

金花記傳奇

金瓶梅詞話

金
花
記
傳
奇

古本戲曲叢刊三集

古本戲曲叢刊編輯委
員會據長樂鄭氏藏鈔
本影印原書葉心高二
十二公分寬十六公分

金花記傳奇卷上

第一折

末上博學周郎多才婁氏因夫遭運蹇屢不利科場怕見賢妻面流落滯他鄉可憐胡氏母一命頓傾亡賢妻能躡躡竭力治親喪豈料惡徒強媒硬娶強逼鸞凰節婦持刀無玷一命身亡孝感天庭節通地府天遣神醫降下方金丹能續命指示往京邦尋夫誤入科場一舉名標姓氏香婦握兵權夫投麾蓋天遣相逢各慘傷功成就方顯一夫二婦千古共傳揚

來者周子龍是也

第二折

(一) 枝花(生上)讀書樂道布衣寒。學海文淵時永運。蹇漫留連苦
志藝鹽一貧。功名富貴在乎天。

白日清閑書萬卷志

仗酒傾尊。漆書史。壁泥經。包珠含玉在胸襟。何如魚躍桃花浪。際會風雲萬里程。卑人姓周名雲。字子龍。乃西安白水縣人氏。先人曾拜開封刺史。乃晉大夫之後裔。老母胡氏。年值古稀。室家婁氏。名曰金花。妻父曾為州府。止生寒荆。愛如掌珍。教以詩書六藝。雖勤女工。不忘筆硯。卑人每被其更文筆削。自謂不如。真个學副文章之首。神游翰墨之鄉。若為男子。必成偉器。今當大比之年。卑人欲貨奇才。展己大志。爭奈

親老家貧。不敢遠離膝下。今日母親誕日。已曾分付娘子。安排酒席稱慶。想已完備。不免請母親出來。母親有請。老旦上
前腔人日遇花朝。如菊淡自逍遙。旦上門庭俱慶壽彌高。共祝慈幃歡樂。

見介老孩兒。今日間居無事。請我出來怎麼。生今日是母親壽誕。孩兒媳婦。聊具蔬酒稱慶。老孩兒媳婦生受你。生不敢。老既有此酒。何不請查鄰母來共飲。生已曾去請。想必來也。老既然如此。待他來坐罷。生旦是。付鄰母丑童兒執壺隨上。
普賢歌相投契合在鄰居。不棄寒微一身軀。相談儘入機。年高值古稀。挈榼提壺來賀喜。

(見介)(衆鄰母來了。)(付)阿呀。齊齊整整。鬧鬧熱熱。像个慶壽勾。
老夫人賀喜。(老惶恐惶恐。)(付)大官人大娘子恭喜。老夫人壽
誕。老身愧無寸敬。有粗帕一方。願老夫人一絲一歲。(生旦下
顧足矣。何勞費心。)(付)勿成意思。休笑。壽童擎酒來。等我先滴
子天地。然後奉敬。(老這个斷不敢勞。)(付)豈有此理。(滴酒介)天
地吓。願周老夫人令嗣早昌。子孫迭茂。壽登千歲。帶挈老身
活介五百歲。(生旦)何不同足一千歲。(付)且活到五百歲。少不
得你去令堂老夫人。也來替我上壽。且留个五百歲去。等渠
做人情。(衆說得有理。)(付)老夫人請上。待老身拜壽。(老這个豈
敢。)(付)這從命了。壽童你先歸去。看好子屋里。我就來个。(丑應

下(生)請上坐。(付)還是老夫人請。(老)豈有此理。(各坐介)

錦堂月。象酒滿山瓢。花開杏早。湘簾半捲春嬌。王母蟠桃持觴。壽祝彌高。惟願取骨肉團圓。喜一家和諧樂道。(合)春先好看翠竹青松。對景逍遙。

醉翁子。(付)聽道。羨佳婦佳兒盡孝。看才子學成。必登廊廟。(生)安飽。奈母老孤單。焉肯貪名暫遠拋。(合)尊傾倒。看祥映萱堂。瑞長芝苗。

僥僥令。(眾)金爐煙篆裊。玉碗送香醪。只見甕盡杯空。玉山倒。竹影搖風。酒未消。

尾。青山綠水年年好。願高年綿綿壽考。鶴髮童顏不老。

一家骨肉喜團圓。甘效斑衣奉老年。

但願年年當此日。滿門歡笑慶華筵。

第三折

(引)貼上弱體怯春寒。慵粧倦。懶整雲鬟。付丑梅香上春事已闌珊。花殘絮舞翩翩。

(見介)昨夜東風驀驟。惆悵殘紅堆厚。杜宇不關愁。空叫春閨時候。(丑付)風逗風逗。羅袂不禁寒透。奴家陶氏。小字碧雲。父任當朝宰相。痛念萱花早逝。堪憐幼失母儀。憂思椿樹高齡。時慮寒暄有失。不能報母的勞苦。且向堂前奉老親。(丑付)小姐你生居潭府。長在閨房。思衣有綾錦千箱。思食有珍羞百

味。況老爺止生得小姐。愛如掌珍。還有什麼不快活。終日長吁短嘆。却是為何。(貼)你們那知我的心事來。(付丑)小姐端的為着什麼。(貼)我為爹爹老景。母親早逝。書香無繼。紹續無成。倘百年之後。不免絕嗣之憂也。(付丑)老爺雖無公子。今有小姐如此賢德。日後招了佳婿。就是兒子一般。何須愁得。(貼)你每那里曉得。女子出嫁了。身屬他人。如今尚由得我。那時由我不得了。(丑付)小姐如此賢明。孝義過人。連我兩人也傷感起來。(貼)我的爹爹。(嘆)

(懶畫眉)高年空享祿千鍾。待漏趨朝枉盡忠。今早春寒。我着你送絲衣與老爺。可曾穿麼。(付)已穿了。(貼)紫霞。如今將次午膳了。

你去看老爺飲食如何。快來回報。(丑應下)我把明香每夜熬

爐紅。願嚴親壽算南山共。(丑上)小姐老爺用過午膳了。(貼)今日

用多少。

(丑)用得半碗。

(貼)怎麼用得這些。昨日用多少。(丑)昨日用

一碗。

(貼)怎麼今日就減了一半。我那爹爹喫食少事煩。是奴之

憂也。

兀自殷勤拜斗宮。

(前腔)(付丑)你何須苦苦鎖眉峯。總是前緣係命宮。他時佳壻喜

乘龍。

那時節呵。

雙雙溫清晨昏共。強似斑衣戲彩恭。

疾向堂前去問安。憂親憂嗣兩相關。

但願蒼天增壽考。父子團圓永遠看。

第四折

(引旦上)天漸晚。風急亂雲紅掃。借問東君春正好。奈何離別早。
(生上)莫怪別離太早。(合)只為功名縈腦。

(旦官人)唾手功名。固丈夫之能事。溺情恩愛。豈賤妾之所為。
當此黃榜招賢。正合雲程思奮。只是婆婆年老。誰問寒暄。(生)
卑人豈不知母老妻嬌。若不順親應試。怎免不孝遺譏。况桑
弧蓬矢。以射四方。示有志於天下也。卑人才兼文武。正當吐
氣揚眉。庶幾名成親顯。豈可寒窗困守乎。(旦)妾有一言。君勿
見怪。(生)夫妻之情。何怪之有。(旦)向來觀君文字。恢宏雄麗。摘
思精爽。心甚喜之。適見所作。文理疎澀。筆路少清。莫非文運
未通。是奴之憂也。(生)卑人每拔於郡學。將謂壓倒元白。(背介)

今聞娘子之言。誠不如一婦人也。可恥可恥。(轉介)此行若不
高拔。非為男子也。(旦)咳官人。

(武)武令。你發言猶如天樣高。

(生)卑人志在青雲。非迂濶也。

(旦)只

怕你前程難到。

(生)有志者事竟成。有甚難到。

(旦)世間人比君不

少。

(生)彼丈夫。我丈夫也。有何懼哉。

(旦)若得你並肩與齊肩。恐虎

又高。龍又高。功業應未保。

(沉)醉東風。(生)守寒窓十年苦勞。也只為顯親榮耀。成大業是英

豪。趁如今年少。正奪錦着鞭歸早。(旦)奴不忍拋。(生)妻不可拋。為

只為着功名兩字招。

(引)老旦上。斷機能教子。孟子力三遷。

(見介孩兒行裝已備。怎的還不起程。只管在此留戀。)(生只待隣母到來。把母親妻子。託付與他。孩兒就起身了。)(老怎得他來。你該登門去請纔是。)(生孩兒曉得。

(福青歌)(付上)秀才們都求科試。少年郎爭求高第。讀書皆耀門閭。夫榮妻貴。忝隣舊合當周濟。

(進見介)(生旦呀隣母來了。)(老來得好。正欲着小兒來相請。)(付自然來的。何須相請。老夫人外日多蒙厚情。多謝多謝。)(老多多有慢。)(付大娘子大官人外日深擾。)(生旦好說。多有破費。)(付惶恐惶恐。老夫人聞得令郎今日起身。果有此話麼。)(老今日准行了。)(生專待隣母奉別。昨蒙見允。特此拜懇。老母在堂。嬌

妻在室。全仗隣母。周急扶持。倘有寸進。當盡犬馬之報。(付)天
那。不要折殺了老身。我與你令堂。非一日之交。倘有欠缺。都
在我身上。(生)如此多感。(付)都到老身舍下去。宰隻拳雞。聊申
薦敬。(衆)去促。不敢領命了。(付)這等說。乾折了罷。有白金一兩。
少助路中一飯之費。(生)這不敢領。(付)奇怪。明明白白放在衣
袖裡了。囉里去哉。(介)摸介。(衆)莫非掉了。(付)吓。老娘家忘懷
得極。放來裙腰裡子。只管衣袖裡尋。妙得極。大官人此去一
定腰金。(生)雖蒙厚情。決不敢受。(老)自古長者賜。少者不敢辭。
又道是恭敬不如從命。我兒受了罷。(付)老夫人說得是。莫嫌
輕。請收了。(生)如此多謝隣母。(付)愧不成敬。惶恐惶恐。(生)我的

娘吓。你在堂自宜保重。莫為孩兒挂念。(老)吾那兒吓。若不為

功名。怎捨得你遠行。(生拜介)

(園林好)離膝下。娘親休要淚拋。兒今去朝夕免勞。濕就乾推扶

小。若能得步青霄。方顯得母劬勞。(老)

(江兒水)兒赴春闈去。途路遙。朝行暮止調溫飽。龍門萬丈須高

跳。高車駟馬歸及早。使我安心懷抱。(合)若得功名。早寄音書回

報。(旦)

(前腔)夫婦情難捨。分離魂暗消。長亭咫尺關山道。昨夜同伊供

談笑。今朝分手空凝眺。(生)母親在堂。全仗娘子扶持。(旦)教我如

何是好。(合前)